

Exposiziun da cartas postalas el Zezzaneera

Il local d'art e cultura Zezzaneera da Glion envida oz gievgia alla 18.00 alla secunda vernissascha. El center da quella stattan cartas postalas da 38 artistas ed artists dallas spartas art, fotografia, litteratura, grafica, design ed illustraziun. Il local d'art e cultura Zezzaneera ha buca sco finamira da far reclama turistica cun bials motivs sin cartas postalas. Biaronz setract'ei da mussar cartas postalas ch'ei vegnidas creadas da differentas spartas digl art. L'exposiziun culs 160 motivs dat l'ocasiun da scuvierer la diversitad dil mund dallas cartas postalas. Igl ei era pusseivel da cumprar ina carta ni l'autra pil prezi da denter dus e tschun francs per ina carta. A caschun dalla vernissascha ella Zezzaneera all'entrada dil marcau vegl da Glion vegn ei era surviu specialitads da dessert e gervosa dalla regiun. (cdm/fmr)



Il local d'art e cultura Zezzaneera envida oz gievgia sera alla vernissascha d'ina exposiziun da cartas postalas da differentas spartas digl art visual.